

APRELI 2016

24-hour Emergency Fire Brigade 028 313 8000/8111
028 312 2400

Bulletin

Incwadi ethunyelwa amalungu e-Bhunga le Overstrand esesikweni

IOVERSTRAND IPHUME ISIXHENXE PHAKATHI KOMASIPALA ABALISHUMI ABAGQWESILEYO EMZANTSI AFRIKA

Isalathiso sofezekiso - msebenzi sikarhulumente esihlaziye kutha nje siphawula ukuba isithoba phakathi koMasipala abalishumi abagqwesileyo boMzantsi Afrika bami eNtshona Kapa, iSwellendam igqwesile kwaye iOverstrand yaphuma isixhenxe.

Esi salathiso sidwelisa bonke oMasipala bezixeko nabengingqi abangama-234 ngokwenqobo zokulinganisa ezahlukeneyo ezi-15, nalapho uhanjiso lwenkonzo linobona bunzima bukhulu. Oku kuthetha ngako kuqulathe iimpawu ezisibhozo eziquka amanzi etepu, umbane, ugutyulo, ukuthuthwa kwenkukuma rhoqo, ulwakhiwo lwezindlu, izixhobo nezakhiwo zezempilo, ingxelo zamapolisa kunye nokufikelela kwimfundo esemgangathweni.

Ukongeza, umthamo wokufezekisa kaMasipala, impathontle yezi-mali kunye nokuthobela imithetho zikwaqukwa kudweliso, kwakunye nempawu zophuhliso zoqoqosho ezinjengobuhlwempu, amathuba emisebenzi kunye nomyinge yokungabikho kwemisebenzi kwingingqi.

USodolophu uNicolette Botha-Guthrie uthi impumelelo yeOverstrand ngaphandle kwamathandabuzo ivela kukuzinikezela ngokungathethekiyo kwabaqeshwa kunye nabaphathi ngokufanayo ukuze kuqinisekise uhanjiso lwenkonzo oluphezulu, noluquka wonke ubani ukuba enze kangangoko anako ukuqinisekisa ukuba iinkonzo neenkqubo zikamasipala ziyanaqekela. Ngoku njalo uye wongeza ngelithi, ukuba ibingeyonxaso nasikhokelo esinikezwa ngobubele nguRhulumente wePhondo laseNtshona Kapa, konke oku ngekungakhange kwenzeka.

"Kodwa ke, siyayiqonda into yokuba izinto ezithile ziyakudinga ingqalelo yethu ekhawulezileyo khona ukuze sikwazi ukugcina isikhundla sethu kwixesha elizayo," utshilo uBotha-Guthrie. Ngokunokwakhe ezozinto zinxulumene ngoko nokunyuka komnyinge wentswelo-ngqesho kwakunye nokunyuka ngokothusayo kwenani labantwana abaphuma esikolweni ngaphambi kokugqiba ibakala le-12

"Njengomasipala, sisoloko sizama ukuphucula umgangatho wenkonzo esizinika uluntu lwethu, sidala imo yoqoqosho etsala utyalo mali kunye nemisela amaqonga adala imisebenzi efunekayo," utshilo uSodolophu.

Ukukhangela ngokukhawulezileyo iSalathiso soFezekiso-msebenzi sikaRhulumente esipapashwe kutshanje, tyelela <http://citypress.news24.com/News/here-are-the-best-and-worst-municipalities-20160228>.

ISAZISO SOLUNTU

YIBA NELIZWI MALUNGA NEEZOWUNI ZOMALEKO EZINDULUWAYO EOVERSTRAND

Isaziso sikhutshwa ngenxa yokuba iBhunga liqalise inkqubo yokuqoka izowuni zomaleko ezithile zommandla kwiskimu sokucandwa esihlangeneyo.

Iinkcukacha ezimalunga nesi sindululo ziyafumaneka khona ukuze ziphendle luntulu kuzo zonke iiofisi zikamasipala kunye namathala eencwadi ommandla waseOverstrand kwakunye nakwiwebhusayithi esemthethweni kamasipala.

Qaphela, kwakhona, ukuba iBhunga liceba ukuqhuba iiseshoni ezininzi zokuthetha noluntu ekuhambeni kukaEpreli ukuze lixoxe ukubandakanywa kwale mimandla yomaleko.

Jonga amaphephandaba engingqi kunye newebhusayithi esemthethweni yaseOverstrand ngeenkukacha zemihla, amaxesha kunye neendawo zothethathethwano.

Kwangaxeshanye, nayiphi na imibuzo emalunga noku ingabhekiswa kwi-URBAN DYNAMICS WESTERN CAPE (PTY) LTD, PO Box 2445, Bellville 7535. Okanye ungaqagamshekana ne-Urban Dynamics ngokutsalela kwa-011 482 4131 okanye ngokuthumela i-imeyili ku-jaco@udwc.co.za.

UHLAZIYO KWIPROJEKTHI YOKWAKHIWA KWEZINDLU

Ngokubambisana kunye nearhente eyakhayo, iMotlekar, uMasipala waseOverstrand uthi wakwiphulo leprojekthi ezininzi ezahlukeneyo zokuhlangabezana nesidingo esikhulu solwakhiwo lwezindlu oluqhubekayo kulo mandla. NgokwesiCwangciso soPhuhliso oluHlangeneyo sikaMasipala seminyaka emihlanu sakutshanje, ubonelelo ngezindlu kunye neenkono ezingundoqo ezipheleleyo ziinzame zexesha elide neziya kufezekiswa ngokwezigaba ngoncedo lwezimali ezabiwa nguRhulumente waseNtshona Kapa.

Njengesigaba sokuqala, ukufakela iinkonzo kumanxiwa atyunjelwe ukwakha izindlu kwaqala ngesithuba somnyaka-mali u2014/15 kwaye, ngaphandle kweNxiwa C2 eSwarddam Road kunye neNxiwa loLawulo loLwakhiwo lwezindlu, wonke amanye amanxiwa athe agqitywa ekupheleni kukaMatshi 2016.

Ukwakhiwa kwezakhiwo ezingaphezu komhlaba kwiNxiwa B eSwarddam Road kuya kwaqala ngoJulayi 2016 kwaye, ukuba iSebe loHlaliso loLuntu lithe laphumeza, kulindlele ukwakhiwa kwezakhiwo ezingaphezu komhlaba kwiNxiwa C2 kwakunye nakwintsalela yamanye amanxiwa kuqale kunyaka-mali ka-(2016/2017).

Ithebhuli yenkcazelo elapha ngezantsi idandalazisa inkqubela esele yenziwe ukuza kuthi ga ngoku kwakunye nemihla eqikelela ukuba kugqitywe ngayo:

2015/2016 IPROJEKTHI	INOMBOLO YEEYUNITHI	IYA KUGQITYWA NGE
eMount Pleasant	172	31 Matshi 2016. Inikezelwe ngoEpreli 2016 ukubheka phambili.
eSwarddam Road iNxiwa A	48	31 Matshi 2016. Inikezelwe ngoEpreli 2016 ukubheka phambili.
iNxiwa iGarden	58	Ukwakha kuqala ngoMatshi 2016.
iNxiwa loLawulo (ummandla wongcucalazo)	125	Ukwakha kuqala ngoEpreli 2016 akukho kudluliselwa kubandakanyekayo ngenxa yokuba eli nxiwa liza kusetyenziswa njengendawo yokuhlala okwethutyana kangangeminyaka emihlanu.
2016/2017 IPROJEKTHI	INOMBOLO YEEYUNITHI	IYA KUGQITYWA NGE
iNxiwa iGarden	58	Ukugqitywa kuqikelelwa ngoDisemba Unikezelo luqala ngoJanyuwari 2017. ukubheka phambili.
iNxiwa loLawulo (ummandla wongcucalazo)	125	Novemba 2016. Akukho kudluliselwa kubandakanyekayo ngenxa yokuba eli nxiwa liza kusetyenziswa njengendawo yokuhlala okwethutyana kangangeminyaka emihlanu.
eSwarddam Road iNxiwa B	131	Ukwakha kuqala ngoJulayi 2016. Kuqikelelwa ukuba kuya kugqitywa ngoJuni 2017.
iNxiwa C2 eZwelihle	132	Ukwakha kuqala ngoJulayi 2016. Kuqikelelwa ukuba kuya kugqitywa ngoJuni 2017.

"UMNTWANA OKWAZI UKUFUNDA NGUMNTWANA ONEKAMVA"

- isaci esenze ithala lencwadi iMount Pleasant liwongwe njengeThala lencwadi loLuntu: iiNkonzo zaBantwana



Unoncwadi oyintloko ozingcayo, uMiralda Coert, unikeze ngewonga kuSodolophu, u Nicolette Botha-Guthrie, kwintlanganiso kaSodolophu ebihleliwe ngolwesithathu we - 24 Februwari 2016. Ekunxele koNks Coert ngu Don Kearny, Umphathi wom-Mandla: Hermanus no Desiree Arrison, umLawuli weNkonzo zoLawulo kunye.

Malunga no-2011, abasebenzi beThala lencwadi iMount Pleasant baqala inkqubo yokufunda incwadi ukuphuhlisa izakhono zokufunda zabasebenzisi beThala lencwadi - ngakumbi ezabantwana. Ekuqaleni, le nkqubo ibijolise ebantwaneni basekreshi i Vrolike Vinkies emi ecaleni leThala lencwadi.

Abantwana abangama-60, ababudala bukwiminyaka emithathu ukuya kwemithandathu, bangena iseshini zobaliso mabali elikwinqanaba lobudala babo kwaye kwangoko kwaminyaka ezinye iKreshi ezintathu ukubana zibeyinxalenye yezonkqubo. Kusetyenzwe ngesicwangciso maxesha, kule mihla izikolo ziyandwendwelwa rhoqo ngeveki nalapho kuqikelelwa ukuba abantwana abangama-300 bayazuza kule nkqubo rhoqo ngenyanga.

Ukuphawulwa kwempumelelo negalelo eligqwesileyo, iSebe lemiCimbi yeNkcubeko nemidlalo eNtshona Kapa kutsha nje liye lazisa ukuba iThala lencwadi iMount Pleasant lithatyathwa njengelona Thala lencwadi ligqwesileyo kwiphondo kwindima yenkonzo zabantwana. Ezilandelayo ibe liThala lencwadi loLuntu iBrook-lynd ne Valhalla, omabini akwisiXeko saseKapa.

KUHLAZIYWA ISIKOLO SEMIDLALO IBEVERLEY HILLS



Isithethe sohlali-lwabiwo-mali sithi iwadi nganye kwiOverstrand inikezwa malunga nama-R400 000 kusenzelwa iiprosjekthi ezikulo wadi.

Kutshanje, iWadi 2 eGansbaai ithe yaphonononga iiprosjekthi ebikade ixhaswa ukuba iqhuba njani na kwaye ifumanise ukuba iya kuba kukubambisana ukuze kugcinwe eli ziko lingatshoni.

Ukujonga imvelaphi, kwiminyaka elishumi edlulileyo xa kwakudilizwa izakhiwo zoosomashishini abangabhaliswanga eHermanus, izixhobo zokwakha ezafunyanwa apho kokokudilizwa zasetyenziselwa ukwakha ikhantini apho amahlwempu aseBeverley Hills (eBlompark) angaya khona xa edinga okuya ngasethunjini. Ngokumangalisayo, ke kodwa, kwa esi sakhiwo sinye esingumlinganiselo ongekho ngaphezu kwe-30m², sihe saguqulwa sasisikolo semidlalo.

Sibulela kumagosa kunye namavolontiya (ngakumbi umbutho ongekho ngaphantsi kukarhulumente ozibiza ngegama le-SHARE nasebenza phantsi kwesandla sikaPasta Frikkie Zeelie), eli tyotyombe lithe lahlaziywa kanobom: Amdonga easbhestosi akhutshwa, iifestile neesilingi zafakelwa, kwaye isakhiwo siye sapeyintwa ngaphandle nangaphakathi.

Ngale projekthi, ngokukaceba kaWadi 2, uRiana de Coning, icacisa into yokuba abantu baseOverstrand bangenza nantoni na edingekayo ukuxhasa abo ban-ezidingo kwaye baqinisekise ukuba bakhuselekile.

Ukufunda banzi ngeeprosjekthi ezingoluntu kummandla kwakho, funda isiCwangciso soPhuhliso esiHlangeneyo saseOverstrand ku-www.overstrand.gov.za

UNGAYIPHEPHA NJANI IRHAFU KWAYE ULONDOLOZE IPLANETHI - kwaye, ewe, isemthethweni!

Kwintetho yohlahlo-lwabiwo-mali yokugqibela, umPhathiswa weziMali uPravin Gordham uyifake ngokuthuleyo irhafu yeebhagi zeplastiki enyuka ukuya kwiisenti ezisibhozo ukusuka kwezintandathu ngebhagi.

Yathi yangeniswa ngo-2004 ngowayesakuba ngumPhathiswa wemiCimbi yokuSingqongileyo, uVali Moosa, ingcamango yale rhafu yayikufumana izimali eziya kuqhuba iinkqubo zemfundo kunye nosetyenziso ngokutsha okuya kwenza uluntu lonke ukuba lusebenzise kwaye lulahle iibhagi zeplastiki ngendlela efanelekileyo.

Phakathi kuka-2004 ukuya ku-2014, le rhafu yenze i-R1.2 yeebhiliyoni kodwa ngelishwa malunga nama-R200 ezigidi kuphela athi asetyenziselwe iiprosjekthi ezingokusingqongileyo.

Nangona kunjalo, ngokuthi "hayi" kwiibhagi zeplastiki ezisetyenziswa kanye, awusayi konga kwirhafu kuphela kodwa unceda nokusingqongileyo - ngakumbi izilwanyana zaselwandle kumanxweme amahle nezisoloko zingamakhoba angaqondakaliyo osetyenziso lweplastiki olungenangqiqo olwenziwa ngabantu.

Isisombululo silula: Fumana iibhagi zokuthenga ezivenkileni ezinokusetyenziswa kwakhona. Emva koko guqula usapho, abahlobo kunye noogxa bakho emsebenzini ukuba benze njalo.

Kungcono ukuba uneshishini, bhengeza iivenkile yakho ummandla ongasibenzisi iibhagi zeplastiki.

USodolophu waseOverstrand uNicolette Botha-Guthrie, uphume iphulo lokwenza iOverstrand umasipala wokuqala ezweni apho ungasokuze ufumane iibhagi yeplastiki ekuthengwa ngayo ezivenkileni.

Nanjengoko usazi ngoku ukuba ungaphepha "ngokusemthethweni" uku-ngahlawuli irhafu engeyomfuneko, kutheni ungasijoyini kweli phulo lethu?

UMHLALI WASEVOËLKLIP UFUMENE ENYE IGOLIDE KUMBONISO WOBUGCISA BOLIMO-SITIYA WE-ROYAL HORTICULTURAL SOCIETY ELONDON

IOverstrand iyazingca kakhulu ngomhlali waseVoëlklip, uMargaret de Villiers, ophumelele kutshanje imedali yegolide yesibini kumBoniso wobUGCisa boLimo-sitiya weRoyal Horticultural Society, ebiseLondon. UMargaret akanyusanga nje iflegi yaseOverstrand phezulu, kodwa ukwa kukuphela komntu ovela eMzantsi Afrika ofumene iwonga lokukhuphisana kweli qonga lamazwe ngamazwe elibalaselayo.

Ukusuka ngo-2013, uMargaret wafumana ukwamkelwa ngesakhono solimo-sitiya kunye noshicilela isidalwa iErica esifumaneka kumagolongxa aseOverstrand.

Ekuhumaneni ngale mpumelelo, uSodolophu uNicolette Botha-Guthrie uthe wavuyisana noMargaret kwaye uthe akakwazi kuzibamba kodwa kwavakalisa uvuyo "lokuba omnye wethu uthe wagqwesa kuninzi lwabakhuphisana kumazwe ngamazwe ngokuphumelela igolide egameni loMzantsi Afrika".

Uqhuba kakuhle, Margaret, kwaye enkosi ngokumela ilizwe lakho kunye nommandla wethu ngale ndlela intle kangaka!

UMargaret de Villiers osemfanekisweni ukwi-2016 Royal Horticultural Society's London Botanical Art Show

YOUNG CELLIST SET TO ENTHRAL



Overstrand Arts/Kunste (OAK) will host the very talented young Russian cellist, **ALEXANDER RAMM**, in concert on Sunday afternoon 1 May. When this virtuoso with his outstanding technique visited us in 2012, he swept audiences away to a world where no words are necessary! Ramm will be accompanied

by well-known SA pianist, **PIETER JACOBS**, who himself has won several international piano competitions. They will perform the Cello Sonata, Op. 119 (1949) by Prokofiev, Le Grand Tango for cello and piano by Piazzolla, the Cello Sonata in D minor (1915) by Debussy, as well as the Cello Sonata in D Minor, Op. 40 by Shostakovich.

The concert starts at 15:30 and tickets are R120 (R60 for students). Book at BELLINI on 028 312 4988. Further enquiries can be directed to Secretary René du Plooy on 082 940 4238.

